

Cartulaire de l'Abbaye de Redon en Bretagne: [832–1124], Nr. 202

Haec carta indicat qualiter dedit Anauan, clericus, suam vineam que est in suo orto in Treal, Sancto Salvatori et Conuuoiono abbati et suis monachis, in monachia sempiterna, pro redemptione manus sue dextre, quam iudicaverunt incidere eo quod voluit occidere Anauhoiarn presbyterum, flagellans eum ac manus ei ligans; et dedit ipse Anau fideiussores in securitatem istius vine, his nominibus: Uuoruuoion, Rihouuen, Uuinhael. Factum est hoc in monasterio Rotort, .V. feria, .VI. kalendas marc., luna .VII., coram multis nobilibus viris quorum ista sunt nomina: Anau, qui hanc donationem dedit, testis; Conuuoion, abbas; Leuhemel, presbyter, testis; Uuinkalon, presbyter, testis; Loiesuuallon, presbyter, testis; Matganet, testis; Atoere, presbyter, testis; Ratfred, testis; Ratuili, testis; Ili, testis; Loiesuuoret, testis; Liosic, presbyter, testis; Uuorgouan, testis; Uuetenoc, testis; Ranauuuart, testis; Prosperum, testis; Rihouuen, testis; Mathic, testis; Iarnuuoret, testis; Uuoedor, testis; Matfred, testis; Uuinhael, testis; Iunet, testis; et postea dedit ipse Anau alios fideiussores quorum ista sunt nomina: Ratfred, Ratuili, Rihouuen, Uuoruuoion, Iunet, Uuinhael, quod numquam faceret malum hominibus Sancti Salvatoris et monachorum eius nec in tota monachia eorum, et quod numquam consensciens facienti; et si sciret alium facere volentem, in quantum posset prohiberet, et abbati aut monachis sito indicaret; et si hoc mutasset, ipsi fideiussores precium eius abbati et suis monachis reddant, et illum usque ad mortem persequantur.